



Inatsisartunut ilaasortaq
Kristian Jeremiassen

§ 36 malillugu apeqqummut nr. 2010-17 Nuussuarmi oqaluffik pillugu akissut

3. februar 2010
Sagsnr. 2010-024961
Dok. Nr. 304931

Naalakkersuisut Nuussuarmi oqaluffik pillugu apeqqutinnut ataani allassimasunut qujap-
put matumuunalu akissuteqassaanga.

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@gh.gl
www.nanoq.gl

- **Nuussuarmi qaqugu oqaluffik suliaralugu aallartinneqassava?**
- **Qaqugulu suliaralugu naammassineqassava?**
- **Paaserusuppara maannakkut 2008-imi Nuussuarmi oqaluffiup ikuallannerata kingorna sooq taama kingaatsingisumik oqaluffittaarniarnerat ingerlanersoq ?**

Akissut: Aallarniutigalugu ilagiinni illutanut, kiisalu ilagiit oqaluffinnik atuinissamut periarfissanik atuinissamut periarfissaannut atatillugu soqutiginninninnut qujarusuppunga. Kristumiutut upperisaqarnermut pitsaanerpaamik atugassaqartitsinissamik isumaqarnerit Naalakkersuisut isumaqatigaat.

Upernavimmi Nuussuarmi oqaluffiup ikuallassimasup sanaqqinneqarnera pillugu sulinerusimasoq sulilu sulinerusoq apeqqutigaatit. Taamaattumik apeqqutitit Naalakkersuisut ataatsimut akissavaat.

Ilisimatissinnaavakkit Nuussuarmi oqaluffiliorneq 2010-mi upernaakkut aallartittussatut 2011-milu ukiakkut atuinissamut piareerlugu naammassineqartussatut naatsorsuutigineqarmat.

Sananertaanut tunngatillugu avataanit suleqatit arlallit akuliutsinneqarsimapput taamaallillunilu piffissap ilaa utaqqiffiusimalluni. Suluineq ataani naatsumik eqqartorneqarpoq.

Oqaluffiup 2008-mi apriliimi ikuallannerata kinguninngua suliamik pilersitsineq aningaasaqarnermut ataatsimiitaliamit akuerineqarpoq. Suliffeqarfik siunnersuisarfiusoq suleqatigalugu sillimmasiisarfik qanoq ajoqusersimatigineranik misissuiartorpoq naatsorsuillunilu. Tamatuma kingorna ajoqusernerup naatsorsorneqarnera pillugu Namminersorlutik Oqartussat sillimmasiisarfiullu akornanni isumaqatigiinniarnarnerit aallartinneqarput.

Oqaluffiusimasup sanaqqinneqarnissaa ilagiit sinniisaasa 2008-mi ukiakkut akueraat oqaluffiulli anginerusunngorlugu sananeqarnissaa kissaatigalugu. Kissaatigineqartoq tamanna malinniarneqarsimavoq. Tamatumunngali sillimmasiisarfimmut saqqummiunneqartussamik suliassatut nutaamik siunnersuusiortoqartariaqarsimavoq. Sillimmasiisarfimmut akuerisassatut siunnersuut 2009-mi decembarimi nassiunneqarpoq. Suliamilli akuersiniarneq naatsorsuutigisamit sivilunerusimavoq aatsaallu 2009-mi aasakkut suli-aq suliarinnittussarsiuunneqarsinnaasimalluni. 2009-mi ukiakkut sananissamut inaarutaasumik akuersissuteqartoqarpoq.

Nuussuaq avannarpasissorujussuarmiippoq, sumiiffiit sikoqannginnerani aatsaat tikinneqarsinnaasut ilaanni. Sikunnginneranni atortussat nassiunneqarsinnaasimangillat taamaattumillu sulineq aatsaat 2010-mi upernaakkut aallartinneqarsinnaassaaq Nuussuaq imaatigut tikinneqarsinnaaleqqeriarpat.

Inussiarnersumik inuulluaqqusilluta

Mimi Karlsen